

ԳՅՈՒՂԱՑԻԱԿԱՆ ԵՒՈՒՅԹՆԵՐԸ ԱՐԵՎԵԼՅԱՆ ՀԱՅԱՍՏԱՆՈՒՄ
1886—1887 թթ.

ՎԱԶԵ ՀՈՎԱԿԻՄՅԱՆ

XIX դ. երկրորդ կեսի արևելահայ գյուղացիական շարժումների մեջ առանձնանում են 1886—1887 թթ. գյուղացիական ելույթները:

Ոստիկանության դեպարտամենտի կազմած մի տեղեկագրի համաձայն՝ 1881 թ. հունվարից մինչև 1888 թ. մայիսը Ռուսաստանում տեղի են ունեցել 332 գյուղացիական «անկարգություններ»¹: Անշուշտ, գյուղացիական ելույթների թիվն անհամեմատ մեծ է եղել, սակայն տվյալ տեղեկագրում առանձնացվել են առավել նշանակալից դեպքեր, որոնք ունեցել են ընդգծված «քաղաքացիական և քրեական բնույթ»: Գյուղացիական ելույթները, որոնք պաշտոնապես որակավորվում էին որպես «անկարգություններ», ըստ այդ տեղեկագրի՝ տեղի են ունեցել Ռուսաստանի 61 նահանգներում ու մարզերում: Անդրկովկասյան նահանգներից ու մարզերից միայն Երևանի նահանգն է հիշատակվում այդտեղ²: Ցարական իշխանությունները նկատի ունեին 1887 թ. մարտին Երևանի նահանգի Նոր Բայազետի գավառի Գյուլ գյուղի բնակիչների ելույթը, որոնք լուրջ դիմադրություն էին ցույց տվել իշխանության ներկայացուցիչներին³:

Ցարական կառավարությունը 1887 թ. պարտադիր զինապարտության օրենքը տարածեց նաև Անդրկովկասի քրիստոնյա բնակչության վրա: Դա ցարիզմի սոցիալական շահագործման և ազգային ճնշման դեմ կուտակված մասսայական դժգոհության առիթ հանդիսացավ: Երկրամասի տարբեր անկյուններում տեղի ունեցան գյուղացիական հուզումներ, որոնք դրսևորվեցին նաև արևելահայ գյուղում: Դրանց թվին է պատկանում Գյուլ գյուղի բնակիչների ելույթը, որի վերաբերյալ մանրամասն տեղեկություններ կան արխիվային փաստաթղթերում⁴:

1887 թ. մարտի 8-ին զինակոչիկների ցուցակը կազմելու նպատակով Գյուլ գյուղն է ժամանում գավառապետի օգնական Օլիտովսկին: Գավառապետի օգնականի ժամանման լուրն առնելով՝ ժողովուրդը շրջապատում է տանուտների տունը, որտեղ իջևանել էր նա և այն քարկոծում: Գավառապետի օգնա-

¹ Центральный Государственный архив Октябрьской революции (այսուհետև՝ ЦГАОР), ф. ДП, 2-е д-во, 1889 г., д. 34, ч. 44, л. 8.

² Նույն տեղում, թ. 9:

³ Նույն տեղում, թ. 75:

⁴ Центральный Государственный исторический архив СССР (այսուհետև՝ ЦГИ.А СССР), ф. 1405, оп. 88, д. 6057; ЦГАОР, ф. ДП, Ежедневные записки, 1887 г. д. 11, л. 184—185, ф. ДП, 3-е д-во, 1887 г., д. 215, лл. 1—3.

կանի միջամտութիւնը ոչ մի ներգործութիւն չի ունենում: Գյուղացիները գանակոծում են նրան: Գյուղ գյուղի բնակչության ըմբոստացման լուրն անմիջապէս Թիֆլիս է հասնում, մի քանի հոգի բանտարկվում են: Գյուղացիական այս ելույթն իր վրա է հրավիրում նաև ներքին գործերի և արդարադատության միստրների ուշադրութիւնը⁵:

Անդրկովկասում պարտադիր զինապարտութեան օրենքի տարածման ուղղութեամբ ցարական կառավարութեան նախապատրաստական աշխատանքները սկսվել էին դեռևս 1880-ական թվականների սկզբներին: Այդ աշխատանքները գլխավորում էր Կովկասի կառավարչապետը, որը հաճախակի հրավիրվող խորհրդակցութիւններում նահանգապետների ուշադրութեան կենտրոնում մշտապէս պահում էր «անկարգութիւնների» ծագման դեպքում ոստիկանութեան գործելակերպի հարցը⁶:

Տեղական իշխանութիւնների ներկայացուցիչներն իրենց գործունեութեամբ արագացրին գյուղացիների ելույթը: Ծխամատիանների և բազմապիսի ցուցակների կազմումն ու ստուգումն ընթանում էր կեղծիքի, կաշառակերութեան, չարաշահումների պայմաններում: Երևանի նահանգային ժանդարմական վարչութեան պետն իր ղեկավարութեանն ուղղած զեկուցագրում ստիպված էր ընդունել, որ ժողովրդի դժգոհութեան և անկարգութիւնների պատճառը զինակոչիկների ցուցակների սխալ կազմելն էր⁷:

Արխիվային նյութերը լույս են սփռում զինապարտութեան օրենքի տարածման թե՛ նախօրին և թե՛ հետո Արեւելյան Հայաստանի ամենատարբեր շրջաններում տեղի ունեցած գյուղացիական ելույթների վրա, որոնք իրենց ընդդրկմամբ գերազանցում են Գյուղ գյուղի ելույթը:

Ռուսաստանում տեղի ունեցող նշանավոր իրադարձութիւնների վերաբերյալ կայսրին ներկայացվող մի ամփոփագրից տեղեկանում ենք, որ 1886 թ. հունիսին Նիզովետպոլի նահանգի Զանգեզուրի գավառի Խոտ, Շինուհայր, և Տաթև գյուղերի բնակիչները դիմագրավել են իշխանութեան ներկայացուցիչներին, որոնք ժամանել էին ծխամատիանները ստուգելու և զինակոչիկների նախնական ցուցակները կազմելու նպատակով⁸:

Շինուհայր գյուղի բնակիչները փակել էին գյուղ տանող ճանապարհը և կողքի բարձրունքներից քարեր էին նետում աստիճանավորների և հեծյալների վրա: Նրանք գյուղի տանուտներից խլել էին կնիքը, զրկել նրան ավագութեան իրավունքներից և երգվել հիմնահատակ անել այն տունը, որտեղից դավաճան դուրս կգա⁹: Իսկ Տաթև գյուղում կանայք հարձակվելով հեծյալների և կազակների վրա, փորձել էին ծեծել նաև գավառապետի օգնականին: Նիզովետպոլի նահանգապետն անմիջապէս դիմում է երկրամասի զինվորական հրամանատարութեանը և խնդրում իրեն տրամադրել կազակների ու հետևակայիների մեկական հարյուրյակ, որոնց հետ նա շտապում է Գորիս: Բազմաթիվ գյուղացիներ բանտարկվում են¹⁰:

Ոստիկանութեան դեպարտամենտի դիրեկտորը միաժամանակ տեղեկաց-

⁵ Նույն տեղում, ֆ. 1405, ց. 88, գ. 6057, թ. 3—6:

⁶ Նույն տեղում, ց. 92, գ. 8943, թ. 2:

⁷ ЦГАОР, ф. ДП, 3-е д-во, 1888 г., д. 89, ч. 53, л. 9.

⁸ Նույն տեղում, Ежедельные записки, 1886 г., д. 10 б, л. 3—4.

⁹ Նույն տեղում, թ. 3:

¹⁰ Նույն տեղում, թ. 4:

նում է Ալեքսանդր III-ին, որ Ելիզավետապոլի նահանգապետի հսկողության ներքո այդ գործի կապակցությամբ վարչական մանրագնին հետաքննություն է կատարվում¹¹։

1886 թ. իշխանության ներկայացուցիչներին բացահայտ դիմադրություն են ցույց տալիս նաև Կարսի մարզի Կաղզվանի օկրուգի մի շարք գյուղերի բնակիչներ։ Մասնավորապես հուլիսիաները վերացնելու համար օկրուգի պետը Կարսի նահանգապետին խնդրում է գործ ուղարկել¹²։ Երևանի նահանգային ժանդարմական վարչության պետի տեղակալը ոստիկանության դեպարտամենտին տեղեկացնում է, որ Կարսի մարզի օկրուգային և տեղամասային պետերը ժողովրդի մեջ դրական ոչ մի աշխատանք չեն կատարել, դիմապարտության օրենքի հետ կապված հարցերը չեն բացատրել, իսկ Կաղզվանի օկրուգի պետը բավարարվել է միայն ցինիկաբար հայտարարելով. «Դեհ, այժմ ես ձեզ բոլորիդ զինվոր կվերցնեմ»¹³։

1887 թ. զինապարտության օրենքի տարածման կապակցությամբ ցարիզմի դեմ ուղղված գյուղացիական ելույթներ տեղի ունեցան նաև Երևանի նահանգի մի շարք այլ գյուղերում։ Կովկասի կառավարչապետը Պետերբուրգ ուղարկած հեռագրում նշում է, որ նոյեմբերի 2-ին էջմիածնի գավառի Վաղարշապատ գյուղում տեղի են ունեցել խռչող անկարգություններ¹⁴։

Նոր Բայազետի գավառի Գյոզալդարա գյուղում հուլիսիաներն ավելի բուռն են դրսևորվում։ 1887 թ. նոյեմբերի 9-ին հարևան գյուղերից հավաքված մոտ 5000 հոգի լուրջ դիմադրություն են ցույց տալիս զինվորական ատյանի անդամներին և գավառապետին¹⁵։ Ամբոխը քարկոծում է այն տունը, որտեղ պատսպարվել էին զինվորական ատյանի անդամները և գավառապետը։ Վերջինս փորձում է հանգստացնել ժողովրդին, սակայն գյուղացիներն աղմուկաղաղակով հայտնում են, որ ոչ մի զինվոր չեն տա։ Կազակների կրակոցից հետո ամբոխն աստիճանաբար ցրվում է։ Զինվորական ատյանի անդամները հաշվի առնելով իրենց անբավարար պաշտպանունակությունը (10 կազակ և 12 չապար) նոր ընդհարումից խուսափելով՝ վերադառնում են Նոր Բայազետ¹⁶։

Գյուղացիական այս ելույթն անմիջապես իր վրա է բեռնում իշխանությունների ուղադրությունը։ Նոր Բայազետ են շտապում Երևանի նահանգապետ, գեներալ լեյտենանտ Շալիկովը, օկրուգային դատախազը, նահանգային ժանդարմական վարչության պետը և ուրիշներ։ Նրանց միջամտությամբ միայն նոյեմբերի 14-ին հնարավոր է լինում կազմել զինակոչիկների ցուցակը¹⁷։ Երևանի նահանգապետը Կովկասի կառավարչապետին տեղեկացնում է, որ Գյոզալդարայի հուլիսիաների առաջացմանը նպաստեցին այն թերություններն ու անկազմակերպվածությունը, որոնք տեղ էին գտել գավառապետի ու զինվո-

¹¹ Նույն տեղում, թ. 29։

¹² Նույն տեղում, 3-е д-во, 1887 г., д. 9, ч. 32, л. 13—14. Տե՛ս նաև «Всеподданейший отчет о состоянии Карсской области за 1886 год». Карс, 1888. стр. 45—49.

¹³ ЦГАОР, ф. ДП, 3-е д-во, 1887 г., д. 9, ч. 32, л. 14.

¹⁴ Նույն տեղում, գ. 650, թ. 1, 6։

¹⁵ ЦГИА СССР, ф. 1405, оп. 88, д. 6788, л. 1, տե՛ս նաև А. Амбарян, Развитие капиталистических отношений в армянской деревне, Ереван, 1959, стр. 226.

¹⁶ ЦГИА СССР, ф. 1405, оп. 88, д. 6788, л. 6—8.

¹⁷ Նույն տեղում, թ. 5, 9։

րական ատյանի աշխատանքներում՝ մասնավորապես գյուղացիական դիմումներին ժամանակին չպատասխանելը, օրենքի հետ բնակչությանը լավ չծանոթացնելը և այլն¹⁸։ Առավել ակտիվություն ցուցաբերած գյուղացիների նկատմամբ քրեական հետաքննություն է սկսվում¹⁹։

Գյուղալիարա գյուղի բնակիչները, անշուշտ, լսել էին իրենց գավառի Գյուլ գյուղի մարտյան դեպքերի մասին։ Դա նրանց ավելի համարձակ էր դարձրել։ Եվ կարծես նման դեպքերը նկատի ունեւր ցարական աստիճանավորներից մեկը, որը 1888 թ. գրում էր. «Իրենց այժմյան չափերով գյուղացիական անկարգությունները պետությունը դեռևս չեն սպառնում բացառիկ վտանգով, բայց նրանց բնորոշ որոշ հատկությունների վրա, այն են՝ վարակչությունն ու համառությունը, ուշադրություն պետք է դարձնել հենց այժմ, կանխապես... Գյուղացիական անկարգությունները տարեցտարի գրավում են նորանոր վայրեր և այս կամ այն չափով ամրապնդվում այնտեղ»²⁰։

Նոր Բայազետի գավառապետը Գյուլ և Գյուղալիարա գյուղերի դեպքերի կրկնվելուց խուսափելու, ինչպես նաև զինվորական ատյանի անդամների անվտանգությունն ապահովելու նպատակով 1887 թ. նոյեմբերին Երևանի նահանգապետից խնդրում է կազակներ ուղարկել Ներքին-Ախտա գյուղը²¹։ Նույնպիսի նպատակ էր հետապնդում նաև Երևանի նահանգապետի ժամանելը նահանգի ամենամեծ գյուղերից մեկը՝ Աշտարակ²²։

Ոստիկանության ղեկավարամենտին Երևանի նահանգապետն ժամդարձական վարչության պետի ուղղած զեկուցագրերից մեկը տեղեկություններ է պարունակում Ալեքսանդրապոլի գավառի Ջաջուռ գյուղում տեղի ունեցած գյուղացիական ելույթի մասին։ 1887 թ. նոյեմբերի 19-ին Ջաջուռում շրջակա 52 գյուղերից հավաքվել էր վիթխարի բազմություն։ Գյուղացիները փորձում են տեսնել զինվորական ատյանի անդամներին, ցանկանում հայտնել իրենց դժգոհությունը զինակոչիկների ցուցակագրման առթիվ, սակայն ոստիկանական աստիճանավորներն արգելում են։ Քարերով ու փայտերով զինված գյուղացիները փորձում են ուժով արդյունքի հասնել, սակայն հանդիպում են նախապես այդտեղ ժամանած կազակների դիմադրությանը։ Գյուղացիներին հնազանդեցնելու համար գավառապետն Ալեքսանդրապոլից լրացուցիչ օգնություն է խնդրում։ Նույն օրը երեկոյան զինվորների մի ամբողջ գումարտակ մտնում է Ջաջուռ։ Զինվորական ատյանի աշխատանքները վերսկսվում են և 11 գյուղացիներ ձերբակալվում են²³։

Տեղական իշխանության ներկայացուցիչները հնարավորություն ունենում փորձում էին թաքցնել գյուղացիական ելույթի փաստը կամ էլ փոքրացնել վերջինիս նշանակությունը։ Դրանով իսկ նրանք ցանկանում էին փակել տվյալ ելույթի ազդեցության տարածման շրջանակները և, միաժամանակ, չարժա-

¹⁸ Центральный Государственный исторический архив Груз. ССР (այսուհետև՝ ЦГИА Груз. ССР), ф. 12, оп. 10, д. 102, л. 3.

¹⁹ Նույն տեղում, թ. 1։ Այս ելույթի մասին տե՛ս նաև ЦГАОР, ф. ДП, 3-е д-во, 1887 г., д. 650, л. 2—5։ Ի դեպ, գյուղացիական այս ելույթի լուրը հասնում է Պետերբուրգ՝ արդարադատության մինիստրին։ Այդ մասին տեղեկացվում է անգամ Ալեքսանդր III-ին։

²⁰ ЦГАОР, ф. ДП, 2-е д-во, 1889 г., д. 34, ч. 44, л. 16.

²¹ Նույն տեղում, 3-е д-во, 1887 г., д. 650, л. 9.

²² ЦГИА Груз. ССР, ф. 12, оп. 10, д. 102, л. 14.

²³ Նույն տեղում, թ. 7—8, տե՛ս նաև А. А м б а р я н, նշվ. աշխ., էջ 226։

նանալ «թույլ հսկողության համար» կշտամբանքների: Դրա լավագույն օրինակն է էջմիածնի գավառի Սարգարապատ գյուղի 1887 թ. դեկտեմբերի 3-ի զինված դիմադրության դեպքը²⁴:

Դեկտեմբերի 3-ին Սարգարապատ գյուղում զինվորական ատյանը ձեռնամուխ եղավ զինակոչիկների ցուցակը կազմելուն: Աշխատանքները կատարվում էին գյուղամիջյան հրապարակում, որտեղ հավաքվել էր մոտ 3000 մարդ: Կազակները մտրակների հարվածներով փորձում են ժողովրդին հեռացնել ատյանի անդամներից: Առաջանում է մեծ իրարանցում: Գյուղացիները քարեր են նետում կազակների և զինվորական ատյանի անդամների վրա: Վերջիններս, բոլոր փաստաթղթերը թողնելով այդտեղ, շտապում են թաքնվել: Ժողովուրդն օգտվում է դրանից և ոչնչացնում բոլոր ցուցակները: Դրանից հետո գյուղացիները շրջապատում են այն տունը, որտեղ պատսպարվել էին իշխանության ներկայացուցիչները: Գավառապետ Խան-Աղովը փորձում է դուրս գալ թաքստոցից և հանգստացնել ժողովրդին, սակայն գյուղացիները քարերի նոր տարափ են տեղում և մոտ մեկ ժամ ատյանի անդամները մնում են պաշարված դրության մեջ: Գյուղացիները փորձում են հրդեհել նրանց թաքստոցը, բայց վրա են հասնում մոտակա գյուղերում գտնվող կազակները և ցրում հրապարակում հավաքված ժողովրդին: Նման դիմադրության պայմաններում իրենց ներկայությունը վտանգավոր համարելով, զինվորական ատյանի անդամները շտապ հեռանում են գյուղից: Ի դեպ, ճանապարհին նրանք շրջապատված են լինում կազակներով, որոնք հրացանները պահում էին պատրաստի վիճակում²⁵:

Զգտելով փոքրացնել Սարգարապատի դեպքերի նշանակությունը, էջմիածնի գավառապետն իր ղեկավարությանը դրում էր. «Սարգարապատում տեղի են ունեցել փոքր անկարգություններ՝ կազակների անզգույշ գործողությունների հետևանքով: Այդ պատճառով ես առավել հարմար գտա ատյանի գործունեությունը տեղափոխել Շահրիար: Աշխատանքներն այժմ ընթանում են, անկարգություններ չկան: Հանգիստ եղեք, ես հույսով եմ, որ ամեն ինչ կվերջացնենք բարեհաջող: Համենայն դեպս, վաղվա համար բարեհաճեք ուղարկել ևս 15 կազակներ»²⁶: Գավառապետի վերջին խոսքերը շատ բան են հուշում:

Մի քանի օր անց՝ Սարգարապատի գյուղացիների դիմադրության լուրն իսկական մանրամասներով հասնում է Երևան: Այն մեծ անհանգստություն է պատճառում ցարական աստիճանավորներին: Որքան էլ որ էջմիածնի գավառապետը փորձեր տվյալ դեպքը ներկայացնել որպես պատահական երևույթ, այստեղ արդեն նման կերպ չէին կարող մտածել, քանի որ դեռևս շատ թարմ էին Գյուլ, Գյողալդարա, Ջաջուռ և մյուս գյուղերի դեպքերը: Իշխանության ներկայացուցիչներին դիմադրություն ցույց տալու համար առավել ակտիվություն դրսևորած 9 գյուղացիներ դատի են տրվում²⁷: Գյուղացիական այս երևույթի մասին տեղեկացվում է նաև Ալեքսանդր III կայսրին²⁸:

²⁴ ЦГИА СССР, ф. 1405, оп. 92, д. 8943, տե՛ս նաև ЦГАОР, ф. ДП, 3-е д-во, 1887 г., д. 650, л. 10—11; ЦГИА Груз. ССР, ф. 12, оп. 10, д. 102, л. 18.

²⁵ ЦГИА СССР, ф. 1405, оп. 92, д. 8943, л. 5—8.

²⁶ Նույն տեղում, ք. 10:

²⁷ Նույն տեղում, ց. 88, գ. 6788, ք. 21:

²⁸ ЦГАОР, ф. ДП, Еженедельные записки, 1887 г., д. 12, л. 187—188.

Պարտադիր զինապարտության օրենքի տարածման կապակցությամբ ժողոված գյուղացիական ելույթները իշխանություններին բավական մտահոգություն էին պատճառում: Իրենց թափով ու մասշտաբայնությամբ արևելահայ գյուղացիական շարժումների պատմության մեջ դրանք աննախադեպ էին, և պատահական չէ այն անհանգստությունը, որ ամենամյա զորակոչների ժամանակ պաշարում էր տեղական իշխանության ներկայացուցիչներին: Տարիներ անց էլ, նրանք շտապում էին տեղեկացնել իրենց ղեկավարությանը, որ նման «անկարգություններ» չեն եղել: Ահա թե ինչ է գրում Երևանի նահանգապետը 1891 թ. գեկուցագրերից մեկում. «Զինակոչիկների զորակոչը՝ թվով հինգերորդը, կատարվեց լրիվ կարգ ու կանոնի և հանգստության պայմաններում»²⁹:

Գյուղացիական վերահիշյալ ելույթներն օբյեկտիվորեն ուղղված էին ցարիզմի ինչպես սոցիալական, այնպես էլ ազգային-գաղութային շահագործման դեմ և Արևելյան Հայաստանի գյուղացիական շարժումների պատմության ուշագրավ էջերից են:

КРЕСТЬЯНСКИЕ ВЫСТУПЛЕНИЯ В ВОСТОЧНОЙ АРМЕНИИ

В 1886—1887 гг.

ВАЧЕ ОВАКИМЯН

Резюме

С начала 1880-х годов царское правительство вело подготовительные работы в связи с претворением в жизнь закона об обязательной воинской повинности, распространяющегося на все христианское население Закавказья. Закон был опубликован в 1887 г. В течение этого времени чиновники, которые должны были претворить в жизнь закон, на местах совершили ряд серьезных злоупотреблений и ошибок, вызвавших справедливый протест народных масс.

Наиболее бурные крестьянские выступления имели место в селениях Хот, Шинуайр, Татев (Зангезурский уезд), Гёл, Гёзалдара (Нобобаязетский уезд), Вагаршапат, Сардарпат (Эчмиадзинский уезд), Джажур (Александропольский уезд) и в Кагызманском округе Карсской области.

Крестьянские волнения были направлены против социального и колониального гнета царского правительства.

²⁹ ЦГИА СССР, ф. 1284, оп. 223, д. 188, л. 82.